

摘藻堂四庫全書薈要

集部

欽定四庫全書薈要卷一萬五千二百八十六

集部

雞肋集卷十九

宋晁補之撰

絕句

五言

國子監莫歸

杖屨清晨往縑囊薄莫歸閒官廳事冷蝴蝶上堦飛

答李令

知音慙李令問我復何為道義惟添睡功名只有詩

身世謾悠哉

身世謾悠哉  
田園首重回  
春來亦何事  
忽忽歎庭槐

禱雨宿九曲池上三首

微月淡蕪城  
飛螢縱復橫  
蛙魚涼亦樂  
跳港觸荷聲

荒城孤絕處  
猶指玉鉤亭  
涼月偏宜上  
江南山更青

同輦笙歌地  
荒池風露天  
無心更懷古  
涼夜正甘眠

譙國嘲提壺

何處提壺鳥  
荒園自叫春  
夕陽深樾裏  
持此勸何人

書周開祖子抱一發願文後

欲愛生諸穢俱盛一草囊應從持犯入當發紫金光  
和荅魯復一高士

四觀以為隣朝霞以為竈贈我不知名千古巖下草  
讀易

學不到忘言崇朝守韋編使我能解化此物為蛇蟬  
題宗室大年畫扇四首

柳動燕初來波生雁將去惟有小崧高蒼蒼自如故

鸛之仍鵲之兩名今是非人言不踰濟何事滿苔磯  
西風入叢竹慘澹帶秋陰驚起中泚雁衡陽萬里心  
王孫蘊奇意紈素澹雲烟借與王摩詰含毫思邈然  
閻子常求琴絃

先生三尺琴斷絕絃上音欲求鳳喙膠弱水毛猶沈

濱州道中四首

六言附

身隨符檄塞壘家與琴書鄴都白酒清談憶汝黃花佳  
節愁予

月墮孤村露合日出高原霧開道逐故河西去人將新  
雁南來

三徑蔣生里第再見虞君客卿多病增予歸思少年許  
子高名

林下囊裝夙興雲間鴻雁悲鳴行役正嗟予弟言旋當  
復諸兄

館宿

殘雪封條未乾蘭臺襖被春寒斜日房櫳吏散鳴鴉飛

下欄干

季夏即事

紅葵有雨長穗青  
棗無風壓枝溼  
礎人雷汗際蒸  
林蟬  
烈號時

雞肋集卷十九

欽定四庫全書薈要卷一萬五千二百八十七

集部

雞肋集卷二十

宋晁補之撰

絕句

七言

新城塔山對雨二首

山外圓天一鏡開  
山頭雲起似浮埃  
松吟竹舞水紋亂  
坐見溪南風雨來

竹枝草履步蒼苔  
山上孤亭四牖開  
煙雨濛濛溪又急



小蓬時轉碧灘來

同柳戒之夜過三學院

步月尋溪過佛齋溪邊石蘚溼芒屨虛窗獨臥聽松竹  
半夜一山風雨來

汴堤暮雪懷徑山澄慧道人

朔風吹雪亂霑襟走馬投村日向沈遙想道人敲石火  
冷杉寒竹五峯深

送李知章下第歸河北

關雞擊劍鄴王臺萬古英雄死  
不埋子去悲歌宜有和  
露螢白首亦常材

晚發長蘆

船頭勾曲洪濤外  
船尾長蘆白霧中  
千里山容初上日  
一江帆影盡殘風

晚雪示閻仲孺

拂檐點砌靜如沙  
無限寒林頂刻花  
明日窮檐深一尺  
不知何處覓袁家

村居即事

十載京塵化客衣故園榆柳識春歸  
深村芳物無由覓蝴蝶雙尋麥隴飛

流民

生涯不復舊桑田瓦釜荆籃止道邊  
日莫榆園拾青莢可憐無數沈郎錢

先塋治事歸

先人簪慕栖山樂賤子今懷陟岵悲  
柏葉初生石牆短

況無金帶買豐碑

補之方謀葬先子  
家貧未能故及也

陌上花八首

事見蘇  
先生詩

郊外金駟步帳隨道邊游女看王妃  
內官走馬傳書報陌上花開緩緩歸

朝雲暮雨山頭宅暖日晴風陌上花  
絳幕何妨行緩緩送春歸盡妾還家

娘子歌傳樂府悲當年陌上看芳菲  
曼聲更緩何妨緩莫似東風火急歸

荆王夢罷已春歸陌上花隨暮雨飛却喚江舩人不識  
杜秋紅淚滿羅衣

吳歌白紵怨芳菲腸斷懷王去不歸陌上如今小花伴  
山前山後白鷗飛

臨安城郭半池臺曾是香塵撲面來不見當時翠輦女  
今年陌上又花開

雲母蠻牋作信來佳人陌上看花回妾行不似東風急  
為報花須緩緩開

陌上偷來為看花  
饒聲鴛鴦莫天斜  
犢車緩緩隨芳草  
不去桃源阿母家

外舅杜寺丞永城守水作詩寄呈

雪消冰動看通津  
草長江南岸岸春  
莫唱龍舟五更曲  
揚州楊柳解愁人

都門

飄零何處是生涯  
瘦馬都門踏落花  
芳物攪心看不得  
綈袍遮眼畏風沙

甘雨

晻晻轟轟有物催端如鬼駕北溟來百昌一種得甘雨

蛇不耆乾苔卵摧

古語云一蛇耆乾獨不得甘雨

約李令

茅檐明月夜蕭蕭殘雪晶  
焚在柳條獨約城隅閒  
李令一盃山芋校離騷

和胡戢七首

達則經綸隱著書  
管人於此孰親疎  
王通持底荅楊素

汾曲先人有敝廬

相逢樽酒未辭深握手盱眙十載心車馬淒涼人夜別  
出門落月與橫參

聞說歸心已浩然蘇門況有子雲廬廣文不去慙官長  
繫馬堂階要酒錢

住近蘇門有白雲閉關却埽道逾尊相逢不語忽長嘯  
今日豈無人姓孫

時平未用入山深歲晚何妨木秀林聞說熊羆叅後乘



可容牛下有哀吟

千首清詩競夜長  
真成蝴蝶為春忙  
莫教流落人間少  
雷電它時下取將

少時豪氣恨沈淪  
繆意詩書可庇民  
長笑壯年無一事  
微吟只有故人親

坐進庵

海魚水擊三千里  
決起還須九萬程  
坐進庵中纔一步  
初無行處若為行

張傑以龍茶換蘇帖

寄茶換字真佳尚此事人間信亦稀  
它日封厨失雙牘應隨癡顧畫俱飛

和王拱辰觀梨花二首

海棠十韵詫芬芳慙愧梨花冷似霜  
賴有樂天春雨句寂寥從此亦馨香

壓沙寺裏萬株芳一道清流照雪霜  
銀闕森森廣寒曉仙人玉仗有天香

次韵兩蘇公講筵唱和四首

白髮歸聯侍從榮未應江海歎飄零  
禽魚不與鈞天觀想見羣龍舞洞庭

李公素譽壓朝端曾泝龍門鬣未乾  
雖愧彭宣惟賜食未慙貢禹亦彈冠

纘服憂勤未有言諸儒經術侍彤軒  
九疇咸叙今天錫三畫何人答夢吞

金玉誰人詠德音太平無象屬人心  
日高初散露門講

天上五雲宮殿深

復至凝祥池上

去歲相攜此地遊  
西風垂果奉靈秋  
春工變化渾無跡  
紅滿枝條綠滿洲

題工部文侍郎周翰郭熙平遠二首

漁村半落楚江邊  
林外秋原雨外天  
誰倚竹樓邀大舸  
天涯暮色已蒼然

洞庭木落萬波秋  
說與南人亦自愁  
欲指吳淞何處是

一行征雁海山頭

呈文潛

無計河西尋杜家海棠空詠去年花  
煩君為謝郭少尹

欲買纏頭迎犢車

郭明遠妓尤知名

和文潛二首

阮籍空貪步兵酒陽城猶戀集賢書  
飽知世事非人力

可是因玄更泊如

索米彊知當世策種芝欲訪隱人書  
未應只有鄰邦約

投老相看事事如

謝王立之送蠟梅五首

未教落素混冰池且看輕黃綴雪枝越使可因千里致  
春風元自未曾知

恐是凝酥染得黃月中清露滴來香定知何遜牽詩興  
借與穿簾一點光

上林初就詔羣臣紫蒂同心各自新誰見小園深雪裏  
破春一夢更驚人

詩報蠟梅開最先  
小區分寄雪中妍  
水村映竹家家有  
天漢橋邊絕可憐

去年不見蠟梅開  
淮擬新年恰恰來  
芳菲意淺姿容淡

憶得素兒如此梅

立之家  
小鬟

和文潛試院道舊

壁月照歌淮上舫  
姚花引醉福昌城  
何如閭闔門西北  
臥聽秋風枕畔聲

夜聞慎思吟諷

疎林小雨月朧明  
商頌琅琅半夜聲  
鄧子弓彊殊未發  
欲馳桑本犯堅城

赴廣陵道中三首

醉臥符離太守亭  
別都絃管記曾稱  
淮山楊柳春千里

尚有多情憶小勝

南都留守使雙鬟  
勸酒小勝其字也

急鼓蓼蓼下泗州  
却瞻金塔在中流  
帆開朝日初生處  
船轉春山欲盡頭

楊柳青青欲哺烏  
一春風雨暗隋渠  
落帆未覺揚州遠



已喜淮陰見白魚

出城三首

視邵伯  
隸新堤

桃欲呈紅柳弄陰  
麥田青已沒  
鞦深春堤細雨  
籃輿溼  
婆餅焦聲在竹林

故國龍舟休水調  
高城雉堞尚雲間  
蜀岡朝雨如輕霧  
不見春江草外山

堆案文書無了畢  
竝堤船舫且縈回  
非關董役年年事  
自為春郊得得來

揚州雜詠七首

舶商不入古鹽溝  
疏鑿纔爭土一杯  
未說興圩灌田事  
且還歌吹舊揚州

雷陂新作麥田荒  
曾說風興沒兩郎  
誰似當年李刺史  
春波還引句城塘

欲穿九曲通淮子  
只費春夫數日工  
但見荷花三十里  
何須更有大雷宮

蜀岡茶味圖經說  
不貢春芽向十年  
未惜青青藏馬鬣

可能辜負大明泉

阜英村南三里許春江不隔一程遙  
雙堤鬬起如牛角知是隋家萬里橋

龍興寺裏青雲榦后土祠中白雪葩  
五百年間城郭改空留鴨脚伴瓊花

揚徐僭盜雄圖熾高呂陵夷霸氣闌  
猶有崑岡作龍虎千秋原廟奉衣冠

題僧法芝鍾山詩後

明珠出袖四百琲座有煙霞草木香斷取鍾山擎石掌  
郎知不下淨名床

復和定國惠竹皮枕謔句

老來山水興彌深不在長安俠少林它日只為林下計  
不將錦被作呻吟

和荅曾敬之秘書見招能賦堂烹茶二首

玉泉吟鼎月隳輪姑射風標兩絕塵只欠何郎窗畔雪  
戎葵為我作餘春

一盃分來百越春  
玉溪小暑却宜人  
紅塵它日同回首  
能賦堂中偶坐身

守蒲過洛思十歲時  
侍先君寓居泣涕成詩二首  
建春門外柳依依  
迸淚當年綵服嬉  
窮子更無逢父日  
匿王空記看河時

先君欲築伊川意  
四十年間萬事非  
他日一廛從可卜  
白頭持此欲安歸

澠池道中

虎狼敵國易良圖望見將軍要引車不畏秦彊畏廉鬪  
古來只有蘭相如

次韵提刑毅甫送茶

魚羔煑餅漸宜秦愁絕江南一味真健步遠梅安用插  
鷓鴣金盞有餘春

次韵閻仲甫郎中病起二首


伏波七十老鰲弧薏苡何曾適病軀高臥輸公無一事  
評詩校畫是功夫

脫略軒裳陶隱居肘書百卷事寧軀茯苓日長東山澀  
早晚柴車命僕夫

雞肋集卷二十

謹案卷十八第五頁後五行使君著意與深塘刊  
本使訛史今改





總校官庶吉士臣張能照

校對官編修臣方煒

謄錄監生臣鄭遇亨

欽定四庫全書薈要

集部

雞肋集卷二十四

一至

詳校官助教臣謝登雋



欽定四庫全書薈要卷一萬五千二百八十八

集部

雞肋集卷二十一

宋 晁補之 撰

東臯十首

屋名盡掛陶家榜人物應慙菊畔身解作文章肯歸去  
不應陶後說無人

郭外朝陽一巷斜青槐廳事帶丘麻路逢扶轡雙童問

不是城東太尉家

小閣高原最上頭  
下床莫遣許公羞  
如今老罷欄邊意  
不是元龍百尺樓

壁間最好營丘筆  
卧看三峯憶舊過  
夢入幽林小谿去  
絕勝千騎向南柯

新植青桐小逕成  
兩行萱草一時榮  
春風百卉芳菲盡  
長夏幽花却稱情

登登策策不須呼  
時動圓荷觸短蒲  
五步濠梁亦堪樂

相忘何必是江湖

四海萍逢兩弟兄百年膠漆幾張陳紅塵陌上相逢子

華髮林間偶坐身

屬无  
數

尺五城南未足高只今小杜更飄飄莫煙疎雨從君勝

玉子文楸聽我饒

屬天  
達

李君禪味詩情裏解作黃金不潤身目斷白衣檐酒闌

何妨聊破一罍春

屬子  
宜

城市何妨亦隱淪賈君無意向紅塵東臯瓜豆如雲處

金方  
卷二十一  
懽我幽棲不卜隣

屬煥叔

即事

半刺還為權刺史  
朝衙不坐坐鈴齋  
按頭通事通何事  
昨夜東園芍藥開

望金陵

龍盤虎踞望南津  
餘烈崢嶸尚霸陳  
醉著不知風揭屋  
可能楊素是江神

金陵南數十里  
江心烈山崢然特起猶金山也家

人云安得隱於此作一絕

山如浮玉一峯立江似海門千頃開我欲此中成小隱  
莫教山脚有船來

采石李白墓

客星一點太微傍談笑青蠅玉失光載酒五湖狂到死  
只今天地不能藏

宿采石追懷沈丘叔父同應詔渡此今二十七年  
矣而叔父謝世補之方遠適泣涕成篇

二十七年前應詔黃昏同上木蘭舟江山依舊人琴寂  
白首南遷淚迸流

過銅陵南望一山高出雲上奇秀可駭余未嘗至  
江南遽曰此九華也問之言是

雲端忽露碧孱顏如髻如簪縹緲間驚駭舟中齊舉首  
不言知是九華山

連日順風

昔日肩吾上國行魚龍黑浪自堪驚我今顚顚西風穩



却是江神不世情

皖口遭風

歛起驚濤渺去程扁舟三日滯長汀無心坐使羣鷗舞

莽眇吾知未可乘

莊周云乘莽眇之鳥出六合之外

馬當風濤中

從祖昔為州別駕上書嘗欲徑樅陽乘危更覺思遺跡  
慙愧篙師戒馬當

大風過彭浪磯

山東江窮方崕起江盤山過却重回無風此水常呼洶  
正用風狂水鬪來

題彭郎小姑祠

山與磯名從地志姑兼郎號出江民世間稱謂無真實  
聞說雙祠自有神

江心望彭澤作

青山缺處大江奔江口山顏見縣門一世定無紆轡處  
故應來此著琴樽

過分江口

不行盆口更湖口明日廬山自此過猶恨西江不窮覽  
沅湘聞道亦無波

湖口

彭蠡宮亭浸全楚號呼噴吐出喉中此間曠蕩無窮水  
何處還容地火風

大孤山祠

江吞湖卷氣俱豪崛起孤峯百仞高歸為嬋娟買絲屨

却應還我所忘刀

題廬山

南康南麓江州北五百僧房綴蜜脾盡是廬山佳絕處  
不知何處合題詩

開先寺前望瀑布

白虹晝下崑崙頂半入青林久不回下洞水輪穿地底  
冰崖吼怒却重來

栖賢寺三峽橋

絕壁秋標天外劒深溪冬吼地中雷上官未信無人到  
朱閣飛從頂上來

舊說廬山有紫芝田百畝人莫得見偶於開先栖  
賢林中步兩日各得一枝正紫如玉戲成一首

千古芝田人不到深林繼日拾瓊瑰從今為記晁夫子  
曾到芝田百畝來

宮亭神甚靈云有婢名如願以借客有所求叩如  
願即獲神又能於湖心分風使上下各得順風故

劉刪詩云回艫乘派水舉棹逐分風

同舟自古無胡越南北東西路不同不問宮亭借如願  
只求四面與分風

彥魯通字號卷余擢為開封第三用彥魯韻

寂寂醒醒誰得知萬重故紙壓須彌不緣饒舌豐干道  
拾得山間底小兒

孔雀院後蒙泉

檐頭山作屏當砌石眼泉為鏡照窗我亦困蒙如可擊

此泉從戶到西江

貴谿徐氏招隱園昔王表避亂居此山依之者數  
千家其詩云逍遙入南斗者也

鬼谷西來一丈清三山箕拱慰高情時平尚欲依王表  
南斗逍遙畢此生

遇赦北歸

山猶故險水猶奔無復前年濺淚痕自是人心隨境別  
櫓聲帆色盡君恩

移竿山五杉歸植里第

一丘一壑感歸心過盡青山幾茂林  
自載五杉如碧鳳欲看春雨舞庭陰

皖口寄懷前太平守陳公度

龍舒人

常愛東陵早拂衣我行曾不叩荆扉  
憑君天柱峯頭望看我扁舟幾日歸

鍾山有石故名

江上秋濤噴玉巖風鏤月鍊白雲  
緘為君一叩無人境



要聽洪鐘出萬杉

初上安仁灘清見毛髮其中奇石五色可掇拾也  
從縣令借圖經溪曰雲錦溪村曰玉石村

行盡江南最遠山却尋千越上清灘秋晴雲錦溪中過  
玉石瑰奇一萬般

弋陽道中

千日千程不厭行一丘一壑可憐生常憂束縛名韁死  
聞健尋山却稱情

齊山怪石森聳其西峯曰小九華

山上有山俱寵從谷中通谷更哈呀借君筇杖穿奇嶮  
直至西峯小九華

次韻無極以道寄金山寺佛鑑五絕

埋頭塵土欲忘年重過初禪第一天唯有兒童見河性  
不將老面共蒼然

不應無手是無拳且看毛端現四天似向吾家得消息  
鼓山餘響尚轟然

驚子猶應昧此緣室中那有久如天饒師擲過三千界  
浮玉西津故儼然

無極世緣如嚼蠟人言當住夜摩天此郎久學無生忍  
此事吾知否不然

鼓角聲中特地傳只今鼻孔已撩天不應常作裴休諾  
揜口何妨也默然

清口懷應書時雪中舟行

蚤歲單舟此水濱雪花都蔽引舟人重來五馬真何事

笑雪空成鬢上春

舟中即事

終日平沙望渺瀰  
青林何許近漁磯  
波衝側岸深蒲靡  
一點穿人翠碧飛

魚溝遇大水

沙行水宿幾江南  
石鬪龍求久已諳  
秋水故應旋面目  
順流東望為君慙

祝家墩阻水旦起舟人云天上風花順矣作一絕

依依牛馬辨平沙三日扁舟近祝家明日揚颿應復駛  
蒸雲散亂作風花

懷緡居

自種雙桐已四年秋來匏瓠小籬穿上床不怕陳登歎  
我欲歸求許汜田

欲求閒局理舊學作

莫求致仕且分司此等劉伶笑婦兒投老寸陰如寸玉  
從君了事只名癡

故園歷歷眼中分  
非禹誰教不入門  
何處功名有成遂  
玉初不獻足猶存

初望廬山

休說江南青未了  
一菴一徑可容身  
宦程正迫西風急  
未是廬山佇足人

由開先萬杉栖賢羅漢入城南  
康守云惜君未至  
紫霄峯也因以此答

南康南麓江州北  
五百伽藍似蜜脾  
萬室千門俱面勢

不應獨是紫霄奇

望香鑪峯

危樓曲徑羣岩遍蠟屐青鞵到處逢更上五峯雙劍表  
香鑪依舊半天中

題周庶彥所收李甲畫三首

上林花妥逐鶯飛愁絕江南雪裏時  
嗟惜何須傍檐喜  
毳毼相對雨寒枝

右鵲

卷二十一  
網羅無限稻梁微，憐爾冥冥亦庶幾。  
戲鴨眠鳬滿中沚，衡陽無意更南飛。

右雁

急風吹雪滿汀洲，迎臘淮南憶倦游。  
小鴨枯荷野艇冷，去年今日凍高郵。

右鴨

松菊堂讀史五首

不作文饒將相，官野人亦罍。  
黨人間籌邊措國俱無用。



空對平泉草木閒

吾慕斯人不以官會昌一夢中興間何須更作窮愁誌  
秋雨長時睡正閒

明光甲挫三言內悉怛謀虧一算間成敗關心不瞑目  
我今無此只應閒

平生精爽臯夔內一世功名貝錦間再夢令狐亦何事  
可能到死未心閒

當年伏地全楊李公亦何知愛惡間千古論心許公近

百年歸意與誰閒

仲光寄紵袍

手裁白紵製新袍  
犢鼻應憐犬子勞  
倚仗衡門聊服此  
良人身不屬臨洮

寄家人

孟光家世自清芬  
鴻亦幽情慕隴雲  
汲水挽車歸去好  
茯苓日日長松根

雞肋集卷二十一

欽定四庫全書薈要卷一萬五千二百八十九

集部

雞肋集卷二十二

宋晁補之撰

絕句 七言

子固席上雪得芟字

新霜一夜草如芟  
午酌臨軒雪點衫  
不怕夷門清著骨  
故教詩句聳巉巖

泊舟山陽偶題

五歲淮山一夢新  
扁舟曾繫市橋春  
津亭石磴雙垂柳  
見我依依似故人

及第後將謁告先歸留贈成甫

還家消息約薔薇  
眼看薔薇日日稀  
不踏龍頭遊碧落  
君恩許伴晚鴛歸

貴溪在信州城南其水西流七百里入江

玉山東去不通州  
萬壑千巖隘上游  
應會逐臣西望意  
故教溪水只西流

出遊龍虎山舟中望仙巖壁立千仞者不可上其  
高處穴中往往如困倉棺槨云蓋仙人所居也余  
意大水人宅山上所作

稽天巨浸洗南荒尚有千峯骨立彊民未降丘應宅此  
舉頭天壁有困倉

泊思禪寺呈廖明略其地蓋干越寺在琵琶洲上  
遲君干越思禪寺彌月忘歸住翠嵐忽見琵琶洲上月  
始驚全室在天南

卷二十二  
和雒酒十二弟見降羌赴闕

二鳥蒙恩豈有知  
車書混一是昌期  
知君不化伊川祭  
右倚門牆恐見麾

和洛筍小發

叔夜青山肯長往  
不應石髓化山堅  
君會籜龍纔小發  
恐君心未老伊川

叔與戲云謂我窮  
我嘗傷食從而嘲之

羊踏胸中昨夜蔬  
不應捫腹怪如壺  
婦家得餽猶須忍

莫索檳榔笑爾臞

將別歷下二首

來見紅蕖溢渚香  
歸塗未變柳梢黃  
殷勤趵突溪中水  
相送扁舟向汶陽

鴛鴦鸕鶿繞漁梁  
搖漾山光與水光  
不管使君征棹遠  
依然飛下舊池塘

將行陪貳車觀燈

行歌紅粉滿城歡  
猶作常時五馬看  
忽憶使君身是客

一時揮淚逐金鞍

安陶舟中

繚繞春堤去欲窮  
參差煙塢到還通  
依依潤柳侵晨雨  
細細吹花傍午風

栗區村與無斃別

十年投分皆鄉相  
四海論心只弟兄  
老憶躬耕困隨牒  
春風揮淚栗區村

與子真諸人飲求仁不與作怨詩因戲荅



結習徐看蕩劫灰  
天花從自落空階  
似聞滿室唯澄水  
投磔何因出定來

題穀熟驛舍二首

驛後新籬接短牆  
枯荷衰柳小池塘  
倦游對此忘行路  
徙倚軒窗看夕陽

一官南北鬢將華  
數畝荒池淨水花  
掃地開窗置書几  
此生隨處便為家

送永嘉君回至鹿邑東門外作

冬溫榆柳未全彫黃蝶飛飛綴野蒿華髮不堪悲世故  
斜川歸興滿東臯

謫宋徙亳初聞周璠琵琶

棗園慄慄檜廳寒醉倚琵琶倒鵲冠不似江州白司馬  
只成怨恨不成歡

題伯時畫

單于射獲明妃笑勸酌蒲萄跪小胡不恨別宮昆莫老  
應憐超乘子南夫

虹縣逢無斁二首

自王  
山歸

清河慘執汴河逢  
萬里悲歡一夢中  
不作常情問京雒  
魚山好在故園松

千載昌期尚此逢  
詢謀多在布韋中  
南歸已後鍾山集

猶憶君王代塵松

鄭譏對陳主鍾山陳  
主與松枝今代塵尾

省曹夢游山示無斁

萬里歸來兄弟樂  
百年多病井廬思  
如何騎馬穿靴地  
只夢登山著屐時

東坡公以種松法授都梁杜子師并為作詩子師  
求余同賦

不學栽檜業種松未慙履狶笑屠龍許君盡得東坡術  
已與先生一事同

長錐散子巖巖遍短竹扶條歲歲添待得烹茶有松葉  
不應更課木奴鱸

佩牛未敢邀君出射虎何當許我從要看堂堂冠劍叟  
蒼然十萬甲夫中

自畫山水留春堂大屏題其上

胸中正可吞雲夢，一作盡裏何妨對聖賢。  
有意清秋一作扶節入

衡霍為君

一作毛錐

無盡寫江天

自畫山水寄正受題其上

虎觀它年青汗手，白頭田畝未能閒。  
自嫌麥隴無佳思，戲作南齋百里山

次韻芸叟文潛體之觀音院題名

壁上棲鷗粉剝紅，萍游無定得風同。  
故人妙墨何人識

文豹依依霧雨中

贈許體之

樓下無心卧許公  
求田已約莫年同  
詩來正值花如雪  
心事春風浩蕩中

呈毅父提刑

不酌公榮有意哉  
可能元亮此公儕  
但讀離騷政須酒  
不應須為菊花來

十月九日初謁衛真太清宮二首

虛庭下拜初形肅祕殿瞻容更魄驚何必囊函窺至妙  
始知塵垢負平生

帷間角塵千年白庭下髯髯一點青當日乘雲無馬跡  
只今遺木盡龍形

寄李成季

聞驅傳節向秦關何日重來玉筍班猶勝譙都拙司馬  
苦無官況不教閒

累得周同年鶚書

卷二十二  
譙都司馬拙依然翻手為雲絕可憐唯有鳳翔周錄事  
手書連月寄同年

譙都對酒憶玉函山

齊州西樓  
對此山

不遣西樓對玉函  
宋譙頻綴副車銜  
今年重汙花前酒  
猶是揚州別駕衫

題段吉先小景三首

慘澹天雲欲雨低  
秋山人靜鳥聲稀  
似聞谷響飛黃葉  
恐有孫登半嶺歸



人生何事踏塵埃  
閒處胸襟足自開  
不作終南養高價  
小山幽桂好歸來

碧天無際日悠悠  
風靜沙平不見洲  
彭浪磯邊亦如此  
危峯獨木繫扁舟

綴古詩懷家

二月已破三月來  
蝴蝶忽然滿芳草  
正是歸時君不歸  
及至君來花又少

題僧曇秀鍾山雜詠二十首後

明珠出袖四百琲坐有煙霞草木香斷取鍾山擎石掌  
那知不下淨名床

赴齊道中

淮南蒙召鬢毛斑乞得東秦慰病顏曉整輕鞍汶陽北  
却衝微雨看青山

題袁耕道所收小飛來

藏山常恐負而走壺中九華安在哉憶似冷泉亭畔見  
為君題作小飛來

讀藺相如傳贈李甥師藺

蚩蚩六國共憂秦獨有相如智不羣完壁東歸何足道  
最賢能下怒將軍

雞肋集卷二十二

欽定四庫全書薈要卷一萬五千二百九十

集部

雞肋集卷二十三

宋 晁補之 撰

挽辭

欽聖皇后挽辭二首

神開大馬表坤祺象配黃龍耀母儀  
薶棘從權非本意憂勤復辟竟先期  
欲書皇極彝倫事不在闕雎卷耳詩  
陵作因山名改聖君王仁孝自生知

蒼黃大策中先定  
洶涌姦言外獨驚  
可但觸山憂地坼  
只應鍊石見天成  
江湖自昔波濤遠  
日月如今晝夜明  
盡作兒啼送文母  
不知簫鼓若為聲

欽慈皇后挽辭二首

仙馭飄飄不可尋  
西陵寶冊綈衣衾  
禮遵章懿因仁志  
謚酌欽慈自聖心  
感泣萬人隨遣奠  
恩勤千古詠徽音  
一言能使民忠勸  
要識吾君孝治深

弓韉它年事炳靈  
紅光滿室衆潛驚  
人言薄氏誠君子

天與文皇兆大橫聖有至情風不止邦傳慶祚日重明  
百神陪扈朝陵寢想像登輿動珮聲

王拱辰太尉挽辭二首

賈山辭賦妙升堂十八高名擅雒陽遭主聖人千載事  
濟時賢獻萬夫望已加壇上將軍鉞未促齊中相國裝  
曾有新詩介眉壽悲歌何忍送歸檣

童年已切耆英慕壯歲初陪後乘遊衛幕橐弓皆廣建  
梁筵進牘並枚鄒雲臺生面丹青古馬鬣新封草木秋

是事公應付蜩甲蒼霞誰見揖浮丘

趙開祖挽歌辭

萬里歸來兩鬢霜故人如玉閤幽堂淒涼長吉無題句  
冥默淮南未試方空復藏書如冊府何由載酒更僧坊  
諸郎文字能傳業開府風流未渠央

蔡州叔父金部挽歌辭五首

文詞蚤歲諸儒上操行當朝國士期清世急賢千載事  
白頭齋志一州麾



省中共幙青綾出關內同驅五馬行何許書來一千里  
西風淮上淚縱橫

青史他年羨二疎功成脫屣向迷塗薄遊竟後拋官約  
常愧都門長大夫

聞道一廛親卜築亦求百畝伴鉏犁那知湖海歸來日  
只及鄉閭會葬時

並直儀曹前後廳當簷種竹已青青平生不試南宮筆  
可忍圖公地下銘

蔡州叔父金部挽辭別二首

書來猶勸還鄉早  
路梗誰令去棹遲  
曾綴鏘金拜先壘  
可堪扱衽送靈輶

學比我公常恐後  
身於餘子似蒙知  
心驚並直儀曹夜  
淚盡孤吟海浦時

秦國夫人挽辭安門下母二首

瓜瓞傳仙裔  
鳴鳩婉積功  
龍章看子貴  
鶴髮與夫同  
揄翟丹青裏  
珠襦鼓吹中  
秋原送車淚  
斜日起西風

城南塞冠蓋哀挽送何人吉卜郊連浚恩封國號秦桓  
碑空復古蒿里不知春應奪居廬念朝廷佇弼臣

秦國夫人挽辭三首

指李仙源後興唐帝胄餘家傳湖北句人誦嶺南書知  
子唯賓客揚名屬起居平生操史筆遺事一欵欵

相國家風獨夫人壺範如寶珣宜服象文錦合軒魚感  
慨溫成議光華慶壽餘非夫聞敵退應愧此生虛

酷好春秋學親書列女篇胡兒吟敢並逸少字方傳餘

事猶閨範高材自世賢  
凱風君莫誦秋柏已成阡

任承制挽辭劉校勘槩求作

生業清談外浮名痛飲餘  
誰令力如虎坐使食無魚  
壁冷猶鳴劒床空未卷書  
呻吟待河潤秋柏只遺墟

雞肋集卷二十三

欽定四庫全書薈要卷一萬五千二百九十一

集部

雞肋集卷二十四

宋 晁補之 撰

書

上皇帝論北事書

臣晁補之謹齋戒擇日昧死上書皇帝陛下臣窮年抱  
經志願局促綠衣紵絮多學無益竊甘野人自曝之溫  
輒昧廣廈重裘之煥退無尸祝尊俎之位進干庖人操

刀之職不計僭越冒言天下之事陛下赦其狂瞽而矜其市井草莽有介然之心一賜察省天下幸甚天下之治莫大於制禮作樂而臣之愚以謂二事有在於施設之後者其所先舉者以定天下晏然則禮不制而備樂不作而洽凡此所缺特北敵一事而已臣思之至深以謂陛下神道設教紀綱既正天下大定燕居而高拱百工安職四民樂業矣而不能無一朝之事或經聖慮者庶幾在此迺臣之狂瞽而深思所至有取萬一則臣區

區窮年抱經志願局促猶不為綠衣紵絮多學無益夫  
豈惟天下幸甚臣之師教臣亦若此也北敵日盛敢冒  
故疆使天下百年有為兵不得藏今四野肅清邊不告  
遽而縉紳先生四方寒士或北首憤悱爭道利害者非  
願於太平無為之時生事覓功特以中國之地前王之  
舊有未復而已獻言陳計者踵相接於國陛下優而容  
之如假種借耕久貸不償亦不以券責豈非周慎再思  
萬舉萬全以謂將欲取之必姑予之不欲以所重試所

輕哉內治未具不遑外憂心腹既寧手足當治以今準

昔莫利此時置而不念何以異夫宿雨坳池科斗所泳  
不以時去設不害事而鼃黽日喧乃臣之所願為陛下  
深思者特曰以中國之師責中國之地得地而師解不  
為無名如此而已陛下知兵之道愈於黃帝復古之功  
過於宣王披圖在目長想遠慮則窮髮龍堆螻蟻藏情  
不待前箸而臣私憂過計竊不自揆忘已之愚不敢膠  
柱鼓瑟御馬以書陛下發天光使得竭忠則言而有



罪非臣所敢避也夫北方之盛莫盛漢唐而所以制敵  
亦漢唐為得三王以前事則經見戰國之際人自為防  
徧舉悉數則孰與四庫之書終始為備百執之謀同異  
致詳故臣輒皆置而不論論漢唐之所以制其彊者其  
彊可制則方其弱時不論可知漢病匈奴唐病突厥至  
於畿內鳴鏑渭橋按轡後宮辱於羶裘宗室降於絕域  
其形如此之逼也然而列五單于滅兩突厥擒回紇制  
延陀漠南塞北皆漢之賦盧龍松漠皆唐之府臣深思

至此然後知北方之盛雖莫盛漢唐而所以制敵亦漢  
唐為得也冒頓烏維力足以弊漢而武帝雄才數戰不  
倦匈奴絕幕自以漢不能至而漢率二三歲一出或二  
千里不見一人故匈奴至於孕重墮殯罷極苦之夫搏  
鼠當庭善遁易失灌垣熏穴則生無聊賴故欲戰在我  
則不欲戰在敵此其情自昔然也諷利突利進如颶風  
而太宗知兵善戰敵在其術中而不悟兩陣馳語二主  
坐攜六騎臨水羣為奪魄靈朔之境曰我將滅之命有

司更所與書為詔若敕思摩孱懦至感恩流涕願為効  
力以守北門蓋五十年無突厥患臣嘗壯二主以謂得  
一時之權置三王之事則漢唐之事猶在中策何遽無  
策乎今臣又計之耶律雖桀驁其彊亦未有以過匈奴  
突厥者陛下神武不殺高越前世制之得術可使繞指  
惟上之命何至越百餘年而不暇營哉臣請為陛下言  
契丹可取之形五古者北方無大君長種落部族不相  
統攝猝搏鬪擊彊者為制往往而聚者百有餘人勝不

相推敗不相愛尺地一民不自保而有也無城郭邑居  
故其民遷徙難制無耕田作業故其人食足不勞無文  
書約束故其人一而易使無營陣行伍故其人戰自趨  
利彼以其智力之全不治四者而一之於鞍馬射獵中  
國亦以其智力雜治四者日夜不息而以應猝然之至  
閒故其自視常以無法勝中國利則烏合譟而從人不  
利則雲散四去欲追無所自冒頓盡有北垂之地其人  
始不安其舊而有侈心尺地一民皆欲保而有之不能

去也其後衛律教單于穿井築城治樓以藏粟或者以  
謂敵不能守降及唐世尤以合中國之好為重至佩印  
綬服爵命廢一置一皆決於朝廷降人之在中國者或  
樂而忘歸其人自是益知內地之耗乃臣以今料之則  
盧龍范陽中國故地又非特如此而已城郭邑居耕田  
作業文書約束營陣行伍四者皆因漢俗而彼無一焉  
雜處而交治欲其胥變焉不知彊勉之難堪此其可取  
之形一也冒頓烏維伊種皆席匈奴之始彊能以其力

為中國患武帝中年力盡於北邊而朔方之患無歲無之然匈奴卒不能踰塞而南以有漢尺寸之地而陰山草木茂盛單于之所依阻者漢輒奪焉匈奴失陰山之後過之未嘗不哭也頡利突利延陀之兵皆號精悍數入寇唐一旦至渭上薄畿內唐亦以其南征北伐之餘力完不弊日削月剝至奪之地而隸都護府不敢輒怨蓋未有坦然肆志蹂躪中國之地奪掠諸夏之民如耶律之侈者臣嘗計之其君亦非有冒頓頡利等輩沈毅

雄勇之姿按巴堅恃有天命而德光之暴以謂晉之立  
自我晉亦不勝其德而屈之驕強不制日益侈大割地  
弗厭至踐中國此蓋強弱之勢不敵而受其制者乃益  
怵惕恐懼惟命是從亦足悲也夫人之情勝則驕驕則  
不自彊乘秋未霜則水濱之腐草猶足以爭明於陰夜  
天寒既至萬物將肅則莫或使之一夕而零其理然也  
環與明與賢皆柔懦不事事隆緒稱多謀不能復振焉  
宗真好樂兩母爭權至內相殘當是時皆有可乘之隙

而中國不取迄於今四十年彼其君苟非有過人之才

臣知今日之治與璟明宗真未大異也夫知敵之主知敵之將則每戰不殆彼曲我直我整彼亂此其可取之形二也石氏之割地當其需人之力制命在外無以異於晉惠公河外之列城買人而已無積仁累義之資一朝而有天下舉天下之大僇僇然常恐其不能守何暇重割地哉窮室之人驟獲千金不能經營販夫孺子皆得以起而制其弊富家巨室力足以仁其四鄰則四鄰



之外所衣食者猶我有也尚誰得而嗇之哉石氏既亡  
京師不守中國為之一虛當時人君內憂其腹心外病  
其四隣中國狼顧自救之不暇故北人得以竊計其不  
及圖已而大張聲勢求以堅中國不動之心至於柴周  
天下小定以其享國之日淺乃能用一朝之議一戰而  
勝以復三關由是言之彼雖彊中國雖積衰之緒猶足  
以勝之況治朝哉耶律之勢久已浸盛柴周之取三關  
蓋人有告之者曰此本漢地何惜之有然則彼其平居

驚然不顧大張聲勢豈固敢吝其非已有之分為所常  
守之資哉求以堅中國不動之心而已今國家百年太  
平而陛下神武不殺高越前古心有所懷威動萬里柴  
周叔世臣豈敢議然以今天下言之運偶聖人時在千  
一富萬柴周力萬柴周將賢則萬柴周士勇則萬柴周  
斷而必行鬼神且避以懾小敵勢易破竹此其可取之  
形三也太祖龍興不折一矢不馳一馬而有天下天下  
稽顙而稱臣五國委命而下吏夏商之興莫若此之捷

也當是時舉中國之兵十二萬而已太宗皇帝繼以神武之資經營四方至于大定并汾之討師久於外雖迄奏功然倉廩之羨士卒之銳殫憊於河東太宗為社稷長慮慨然太息有恢復心士不弛弓馬不解勒倍道兼行越數百里一日出塞金鼓之聲如在天上遼不素備而燕城遂圍分軍收城所向輒靡天下以謂遂無遼矣幽燕之人老弱登陴而望乘輿無意復戰彼之計自謂力不足抗乃為先聲張言兵至號五十萬太宗重愛民

命不肯以力服遼欲退脩德以懷之而師久翱翔士馬  
南首亦有急意幾舉而捨燕既釋圍而諸將所下輒復  
為遼蓋臣聞之城中有謀執其帥而降者王師既還莫  
不泣下雖然遼人自是始有疑中國之心四方已定中  
國厭兵景德之役乘中國不虞大舉來攻章聖北巡天  
意助順曠弩竊發遂隕達蘭敵相顧自失屈首請命亦  
無復鬪志當時之議以謂乘勝席卷兩翼遮前大軍從  
後可使無遺噍而天子嘉其既服亦棄不戮遼始痛自

懲艾以謂中國不可得而侮也夫太宗以收并汾之餘  
力計議無素倉卒北狩然而一舉幾復章聖以兵出不  
虞至犯輔郡出師逆擊然而一戰遂却況今陛下席祖  
宗積累之舊彼不加彊而中國之盛則倍前日肉食之  
謀芻蕘之言垂數十年已審已備計成而動何慮不獲  
此其可取之形四也太祖神武有希世之謀御將訓兵  
臨機料敵出人意外舉天下之衆宰制役使如視嬰兒  
嘗謂遼人之衆不過二十萬吾以十緡購一人二百萬

鯁足矣以太祖神武左右之將不減衛霍滅越滅吳滅  
江南滅蜀滅河東天下已安四方之金帛充於內府士  
卒平居無事奕博超距志意無所騁當是時中國特不  
舉設有為敵孰能禦之者天下百年無水旱兵革法度  
致脩人物阜安以三十年之通制國用山積水委漢唐  
所無則成太祖之志臣以謂固在於今日陛下建學設  
料使為士者知兵頒教立法使為兵者知戰十有餘年  
惰慢疲軟之氣既復拯矣而堅甲利兵羨於四邊偏州

小戍不移而具臣竊以北道三數者言之通都要路一庫之藏足以衣被十萬況濟之以大司馬之備也驃騎西征編師南略河隍六城交州九郡歸命內附而飛輓之煩不及於邊民此其美古未有也舉事動衆宜百日之費者今千日之費不憂乏宜百金之賞者今千金之賞不憂匱蓋非徒以厚費重賞為得也要以為前世之所不為者知今日之能為之而已順流建瓴如風靡草以臨不加彊之敵此其可取之形五也兵法曰形兵之

極陛下亦既知形則不圖而何待臣請為陛下言所以入遼之策夫欲興大事所病者兵不衆食不充天下之言者必曰舉二十萬衆度百日糧鳴鼓而攻之以臨不加彊之敵如孟賁之戰嬰兒何往而不可入而臣獨計以謂非勝之難所以入遼者實難以樊噲之驍悍自意得十萬之衆足以橫行於匈奴而或者曰樊噲可斬夫使好奇之人不度是非不量利害高論而忼慨其言固甚可喜然空語無施於實事則陛下尚誰取之今臣則



不然舉二十萬衆度百日糧非三年經營之不可借使以國家之盛一朝而可集銜枚縛馬口千里奄至雖計甚秘而人固有知之者矣縣十許州塘水之浸以彼入非易故我入亦難阻塞而陣燕亦起而拒白溝之南兵雖衆食雖充非勝不能入也臣請為陛下効臣之狂計蓋昔者尉陀畔越漢兵出豫章出會稽而唐蒙獨上書發巴蜀罪人下牂牁以出越人不意卒擒尉陀蜀姜維拒劔閣鄧艾乃潛自陰平馳無人之地七百里卒降劉

禪兩人者若校之以事而索其情則皆近乎不知迂直之計而臣則以謂論越與蜀者不如是則不可得而入今敵之勢亦何以異此臣請先為樓船百艘精甲萬人浮膠東待渤海而勿發使大軍出次於王畿聲言以十萬出瓦橋瓦橋敵所備出亦此入亦此在兵法則所謂以正合者也潛軍其東以五萬則自滄趨平州同時而偕發潛軍其西以五萬則自代趨雲州同時而偕發平雲非敵之所素備則滄代之兵宜易入兩翼偕縱則燕

之東西可擾矣東軍入平州戰且誘以稍西行附於瓦  
橋之大軍西軍入雲州戰且略翱翔乎蔚朔之間而東  
以牽制敵勢敵必分軍以禦雲州然後瓦橋之大軍與  
東軍合勢而偕入則涿州新城不戰而可收東軍既棄  
平州平州備少懈然後渤海之精甲可以乘間入平州  
平州下則營并舉矣乃間使渤海之師通高麗曰中國  
責故地高麗宜以爾兵從而析渤海之精甲三千背道  
絕險以徑中京之南繚古北之後奪關而守之謹守勿

戰敵狼顧自救然後雲州之西軍鼓而東以取易州而與大軍合吾兵益張乃稍乘勝逐北則燕城可圍矣度燕城之大二十七里而止一人而守地六尺三圍之則滿卒三萬守地無餘以二十萬衆頓燕南攻而圍之若適三萬則是野戰以拒敵之大軍者猶十七萬也度敵之大軍亦不過二十萬盡燕城之大而以五萬人實之不能容矣遼之名統軍在燕城者其所護契丹奚渤海兵馬數才滿三萬而其曰侍衛在燕城者騎一萬步一

萬而止借使臣所聞未實遼能益之度燕城之大不過  
容五萬則既勃蹊矣而大軍相持僮囊未決其勢不相  
救以三萬銳師濟以臨衝雲梯之械并力而急攻間使  
張良陳平不受千金從反間以啗城中臣遼之子孫能  
以禍福喻其衆使內附者許以封侯萬戶之賞彼其在  
遼或身居將相而服衣食飲不免於輿阜之賤一聞德  
音宜有發憤內應如望并汾之師者一人有心則舉燕  
城之內其勢搖矣燕城可圖則山前後之地雖未盡復

可徐致也臣又率臣之意料之使遼能出上策中國之師始動遼無空國逆戰亦以二十萬拒大軍而更練奇兵間道它徑反乘我隙我大軍遠戍深討而遼兵出於不意釋燕而自圖則前功一發而盡廢欲勿釋耶而自治未可安能治人然而舉塞上十許州言之大軍出瓦橋矣又五萬出滄五萬出代遼亦以其軍三析之而應我滄翼其右而霸與信安保定介其間使堅壁勿戰則彼雖出奇兵亦必不能入霸入信安入保定代翼其左

而保與廣信安肅介其間使堅壁勿戰則彼雖能出奇  
兵亦必不能入保入廣信入安肅何則吾為之守者素  
也置是數者自渤海之東言之操舟於水固非彼之所  
宜便而其所不當忽萬一可虞意者其西北之疆乎昔  
唐安祿山以范陽亂稱兵道北中犯京兆不期月耳臣  
嘗考之圖志則祿山所行自燕而西其跡具存不可不  
察也國家方恢復河湟全秦之力河湟之所仰或者思  
患而豫防之益全秦之地以待彼之出於不意如此而

已臣又率臣之意料之令單于之才不聞其沈毅雄勇  
敢為難制如冒頓烏維頡利突利等輩比者其左右賢  
王谷蠡亦非有如張說所稱闕特勒瞰欲谷之徒超卓  
過人之才帖帖然慕中國學文字工語言是口尚乳臭  
安知出上策哉彼計出於數者而皆不能遂則臣之所  
料不過舉國興師烏合蟻聚而已使彼先能扼古北口  
而守之渤海之舟師無以伺其利則我東軍扼彌老符  
家私亭口之右以西軍扼挑峪紫荊金坡口之左使其



東西不能出奇而後大軍鼓行而陣以挑其南彼進不能拒退無所逃不力戰求勝則必有內顧自保之心此在兵法所謂窮寇臣請勿薄勿逼緩而持之置曹王居庸等關而無奪以開其生路我亦視白溝之南塘水之浸所從歸者狹何以異於淮陰泝水之傳飡東西與北三面薄阻而背阻塘水則士卒無所往其心宜固當是時陛下得人如韓信使乘其會則攘而扼之於井陘莫利乎此顧為陛下將者如何耳臨衝雲梯器械致修士

力致完以中國之善攻而加不能善守之遼則二十七里之城而已何為而不下燕城下空其積以賞戰士以臣度之三年可以無飛輓自京東西與河朔之列郡更輦緡穀以實之臨以重臣列亭障於外燕可守也陛下以河湟六城之富孰與全燕河湟遼遠城中素空匱中國且能保而實之則全燕之富其易守可知也惟其城郭邑居耕田作業文書約束營陣行伍無一不出中國之舊今以中國之法守之其民宜易安燕城既守則凡

石氏之故地猶不盡舉者未之有也雖然臣猶有說者則在乎先勝而後戰夫入人之地欲其不迷不可以不知地索人之情欲其不匿不可以不明間地可知間可明而軍無選鋒則兵不可以交有選鋒而不較長短不合外助則雖多猶寡也臣請為陛下言所以必勝之道陛下誠得數十將用之則何患夫四五者為今之慮士已知兵兵已知戰而臣獨過計以謂今選於班列以將名官者患未試而已夫將欲興大事不可以無重臣重

臣君所信功業已試可使士卒素附可使四夷知畏可使位重德亦重可使權重威亦重可使舉一軍二十萬之衆而重臣得其人軍之命定矣千夫長萬夫長才各不同則舉二十萬之軍大吏偏裨二百人而後可也夫安能皆得重臣者而使之將委之有司之選耶則天下必有蕭何之至明然後可以知韓信之未試不然則趙括之易言不窮天下幾何其不以言而信之人之才有不能治一妻一妾者有不能耘三畝之宅者持籌挾算

擐甲百萬守地千里儵然不勞乎其間忘昔之短也平  
居自喜袒裼而按劒志如飄風而聞金鼓之聲失氣而  
死此人之情也然則將其可以不試哉天下之言兵曰  
微妙者祖孫吳然臣以謂是何以異於宋人之遺券密  
數其齒而曰吾富可待豈不誤哉陛下知人能括興大  
事選大將帥既已得其人矣凡此臣不敢議然臣以謂  
舉二十萬衆而為之吏者二百人所試者在此而已子  
文之治兵終朝而罷不戮一人子玉之治兵終日而罷

鞭七人貫三人耳然而君子與子文李廣之行軍逐水草不擊刁斗程不識之行軍嚴斥候擊刁斗自衛然而士卒樂李廣將之才固不可而一也孫武之試於吳也以婦人孫臏之試於齊也以上中下馬用之於婦人用之於馳馬非將之常也兩人者唯其無所不可用以成功故卒之武能將吳以入郢臏能將齊以却魏豈不用其試哉驪山之閱天下擐戎服以令賢如郭元振幾以失軍容而誅而薛訥解琬乃獨有不動之軍教使然也

今天下之吏以將名官握兵柄習軍事者環列於輔郡  
追數十人平居無事大車駟馬洋洋乎國中與之言兵  
而不能者幾人若此臣豈敢以為遂乏才哉凡所以必  
待試而後可用者特不敢以能之於平居無事而信其  
用之於倉卒擾攘也陛下知人則指能官人用人之仁  
去其貪用人之勇去其暴用人之智去其詐皆得其所  
以用則向之四王者凡可以委之夫將而已以二十萬  
之軍度百日而後罷廝役在焉人日糒二升則率兩日

而食非萬石不可百日則百萬千日則千萬邊儲不足  
以給則不可不權而入之於民今天下之買爵者緡錢  
五千高得一尉下乃助教極矣為之說者曰商賈之子  
孫不可以揭而加之於民上此為說者之過也天下無  
賴之民游守不業計窮力盡者皆起而為兵能犯矢石  
致頭首有一日之勞則紆朱懷金美爵厚廩往往而加  
之民上者皆是也何獨至於民而疑之天下之民不幸  
而陷于盜賊白日殺人而奪之財亦可棄矣甚者竄山



林晨夜聚嘯州里為之搖動其中有一人焉造利而自言則賞千金而命之官未始疑也則夫商賈之子孫雖其類則賤矧未至於盜賊哉臣請為賣爵如漢故事惟勿為郎而已其餘皆可易之以它秩得比朝籍與京師官率能入粟於邊滿三萬石者為之等級以授事定而止不過假百人粟可充也昔武帝用晁錯議卒弱匈奴乃臣區區意竊在此陛下幸聽焉則其詳有司可得而講也何謂知地夫四裔之與中國其土地風俗剛柔險

易之不同猶之城市之與山林並得其宜各便其欲未  
嘗同也百蠻之地皆阻山負海遠者去王畿數千里一  
隅有故不得已而應就其近者調之則兵少不足以用  
欲置大軍則病道里之遼首尾衡決倉卒不救設或遂  
能致之其土地風俗皆非國之所習知萃百萬之衆而  
頓絕徼之下欲深入不可欲致敵不能譬之追逐叢林  
遇穴而失則良鷲逸足猶翱翔傍徨雖巧而無所効其  
理然也東南西南羣夷皆絕遠致險論其近而與中國

比者則莫若北敵古者北漠則本非與中國近且比也  
踰塞而北至於寒露遠野人跡所不至者乃稍稍屯聚  
蓋李牧破林胡雖斥地千里而力不能服自漢至唐迄  
於五代始侵尋曼衍寔有中國之地自王畿而言則白  
溝之南千里而近耳置驛十數則舉朔漠之事十日而  
傳之可聞城郭邑居漢也耕田作業漢也文書約束漢  
也營陣行伍漢也舉山前後之地而言之無為而非漢  
者臣嘗披圖而觀起白溝趨燕城二百里而止居庸曹

王大安黍谷崆峒之山環抱如箕而燕城峙其中自白溝而北衆山而南燕城之四隅在箕中者其地如掌由燕城之三隅東西與北衆山之塞川關要害遠者不過四百里近乃二百里而止山非不可陟也水非不可涉也土地風氣水泉百物之產又非中國之所不習也徒可徒騎可騎車可車何動而不可圖正可正奇可奇伏可伏何動而不如欲顧為陛下將者如何耳何謂明闇夫書生之論以謂仁義之兵無術而自勝此臣讀孫子

至所謂賞莫厚於間事莫密於間非聖智不能用間非  
仁義不能使間非微妙不能得間之實臣始不信今乃  
知之夫使仁義之兵無術而自勝則敵衆我寡亦勝敵  
彊我弱亦勝敵實我虛亦勝敵逸我勞亦勝敵有備我  
無備亦勝而聖人者何事乎教民七年而後即戎而其  
曰不教民戰是謂棄之者又何用也夫仁義王者所以  
無敵於天下不得已而去焉兵可去而去仁義則不安  
至於不得已而用兵仁義非可忘而所謂權焉者蓋聖

人亦多有之而未嘗去也孫武無王佐之才而其言有用於王者之事間非平日之所宜先也故非聖智不能用非仁義不能使非微妙不能得其實如此而已聖君叅之以獲遠人之心賢將持之以制三軍之命士卒獲之以幸封侯之賞遠人取之則四境不能以是一日而安其理然也秦得由余而八國賓燕入秦關而東方破漢厚關氏而冒頓解唐語突利而頡利疑此中國之以間勝四裔者也韓王信在北而匈奴入太原盧綰在北

而匈奴入上谷中行說在北而漢不得美幣市匈奴以至於唐突厥以萬榮侍子而寇瀛州回紇以僕固懷恩而入涇陽此四裔之以間勝中國者也自昔兵家之用間者一勝一負不可得而數姑以內外順逆之制勝負者言之勢在此則彼者憂勢在彼則此者病此其理易知而其事難成不可不察也今臣以北敵之勢言之山前後之民大槩皆思漢并汾之事王師在燕有謀執其帥而降者誠能得張良陳平不受千金以致內應猶反

掌耳唐周鼎失沙州州人棄之萬里外每歲時祭祀衣  
先人之服號慟而藏之河廣武梁故時城郭未隳龍支  
城耄老見唐使者拜且泣曰頃從軍沒於此朝廷尚念  
之乎臣讀史書至此則慨然知燕之地士大夫之子孫  
宜有發憤不辱飲氣南首而望王師者徒患無以發之  
耳以契丹之舊法言之其得漢人皆僕妾役之仕宦而  
顯者歸見其主如舊禮殺漢人而以牛馬償之弗誅也  
迨蕭氏乃始徙漢人益北居而以契丹奚渤海之民雜



處幽薊殺漢人者如殺人之罪自以謂漢人之子孫可懷矣然臣度之燕之人皆謹厚朴茂世漢種也終不能忘其先白溝新城崎立而相望漢之俗良美也不幸而子孫陷于北地痿人不忘起盲者不忘視勢不可矣天下誠不乏張良陳平之智不愛千金仗社稷之神靈所麾前移所指前死五間俱起莫知其道是謂神紀裏幽薊之城百日而平使彼粟實可因而食使彼粟虛可因而墟也地可知間可明夫然後合三軍之士而表其技

且勇者此之謂選鋒越有君子五千人秦之鬪士倍於  
晉若此皆選鋒也凡兵尚義而保氣義之所勝愚可明  
氣之所加柔可彊人之情非有鈍利之殊也顧上所以  
表之者何如而已一夫當死市袒裼而不呼則千人為  
之失色童子按劍而先登則七尺之丈夫全軀保妻子  
者猶為之却也然則人之情豈固難知也哉前有大壑  
臨之則魄墮而懼狼顧却踵則身在平地夫誰肯舉足  
而蹈其危使為士卒者知有死之榮無生之辱夫然後

顧平地不為安蹈大壑不為懼則攻何患堅城戰何患  
堅陣哉吳起臨陣有一夫不勝其勇遽前取首而還吳  
起曰雖勇非吾法也斬之吐蕃逼奉天渾瑊進單騎馳  
之挾敵一將躍而出一軍皆譟臣以為若此者皆可賞  
勿誅而吳起反之此用兵之過也鋒可選然而不校長  
短則臣以謂兵不可以交何則天下皆以北敵為善用  
兵而臣獨計敵非能出奇合變循環無窮也顧其長在  
騎射而已自圖志言之多馬之地半出於敵而其能挽

弓騎射蓋亦天性使然趙武靈王變服從胡騎射而由是以取中山此其為策之得者非以其所長制其長哉冒頓控絃百萬白登之圍驛驪驪白各以其方之色自古以馬戰未有如此之盛者也漢武帝中年銳意馬備阡陌之間盛或成羣比戰數勝匈奴罷極矣而其後亦以馬少不能復出則度漢之能以其長弊匈奴亦在騎不在徒明矣唐薛延陀不知以所長抗中國而自恃其數以徒勝執馬者既收而徒不能復為卒以取敗北人

自是益自知其短於徒而中國亦暴其所長而術制之  
此者朝廷置騎射又教民蕃馬意良而法美矣而或者  
民之馬雖蕃而未教故臣以謂置義勇置保甲則民馬  
皆可以假而習夫馬生其水土則人心可知然而教訓  
之不安以之當牧馬之新羈朝夕馳騁乎荆棘斥澤之  
地體安而心調者恐非敵也陛下誠用臣說則義勇保  
甲之籍於民者方其教時皆使之習騎騎不足則更借  
之乎民馬嘗入而藉諸官者番假之則民力不勞而馬

不病不過三年天下皆可用之馬以是佐軍則漢之戰  
何以易此雖然猶有所需者則外助而已自昔為國未  
嘗不以西北制西北其說以謂海濱之蚌鷸兩自斃而  
後人能并得之匈奴方病漢而烏孫昆彌亦自以不得  
與中國通漢藉烏孫撫諸夷以孤匈奴之外援校尉常  
惠護五將軍兵擊胡而昆彌常力戰為漢軍鋒所殺過  
當匈奴遂虛於是丁令攻其北烏桓入其東烏孫擊其  
西而匈奴析其兵支三敵國以南與漢爭一旦之命卒

以困弱至于裂五單于昆彌與有助也臣嘗譬之鄉邑  
之小盜三人而為輩則百不得以力擒一人焉爭財而  
不平則二人者不制而自弊何則其素相知者審也陛  
下南面負宸冠帶而朝百夷四海之內八荒之外心有  
所懷唯上之所命迺者高麗折於北不敢越遼而西以  
効其一日之力於中國陛下能撫之至絕海蹈越綿數  
千里而入貢闕廷陛下嘉納遣賜報聘增美於祖宗之  
禮臣聞之其國見使者至皆懽喜擁道自慶未始獲也

彼其折於北久矣宜有以逞其志如烏孫昆彌者而臣  
未敢言焉凡此數者陛下得一重臣而委之與在廷一  
二之士嘗得預聞腹心者皆可以使之雜而議然後臣  
之策庶幾乎可効也兵既定石氏之故地已復臣請謹  
封疆嚴斥候戒邊吏無得以非中國之地而利絲毫以  
為功且示聖人以天下為度而致誠信以結之彼雖失  
燕知其本中國之舊而不以為吝中國亦與之講好修  
聘權猶昔時可使如伯氏之奪邑沒齒而無怨言此百



世之計也臣身未嘗為吏則凡國中之議是非利害不知其果何從姑以臣深思所得發於畎畝憤悱之忠而不能以自掩者獻之闕下陛下好問如虞舜亦幸擇焉韓愈曰凡此蔡功惟斷乃成故臣至此猶願致其愚者則曰必行而已以臣之幼而學壯而欲行之心而又幸出於聖人之世三代之時以戴非常之治沐無窮之休褒衣博帶學古人之事而名諸生之列每聞陛下德音雖在市井草莽欣喜自幸如第五倫其所願伸喙道說

以求補於萬一者豈特此書之所敘而已然臣竊以謂  
禮樂為大而必其所先舉者已定天下晏然然後禮不  
制而備樂不作而洽區區之愚蓋在於此臣身賤跡外  
其學甚野輒敢不避鈇質之誅而冒言其所不當預之  
事懷不能忍憤悱自致無以異於傳之所謂怒鼃而幸  
人君之一式陛下揭日月之光而鄙屋之幽得以容則  
臣疎遠之言庶幾乎可採而無罪若乃安畎畝之賤而  
不知聖人之世三代之時非常之治無窮之休親逢之


會為難遭則臣之俵俵不出門庭其失時亦極矣伏惟  
陛下萬機之間一留神聽焉天下幸甚天下幸甚臣無  
任俯伏待詔激切之至臣補之誠惶誠恐謹昧死再拜


雞肋集卷二十四

謹案卷二十二第三頁後六行老憶躬耕困隨牒  
按宋詩鈔躬作歸

第四頁前四行倦游對此忘行路按宋詩鈔對作  
到

卷二十四第二頁前八行以謂將欲取之必姑予  
之刊本姑訛固今改





總校官庶吉士臣張能照

校對官編修臣方燁

謄錄監生臣仲耀淞